

Julie Morgan AS/MS
Y Dirprwy Weinidog Gwasanaethau Cymdeithasol
Deputy Minister for Social Services



Llywodraeth Cymru
Welsh Government

Jayne Bryant, AS
Cadeirydd
Y Pwyllgor Plant, Pobl Ifanc ac Addysg
Senedd Cymru,
Bae Caerdydd
Caerdydd
CF99 1SN

22 Rhagfyr 2023

Annwyl Jayne,

Gwaith sydd ar y gweill o ran Diwygio Radical ar gyfer Plant â Phrofiad o fod mewn Gofal

Diolch am eich llythyr ar 9 Hydref yn dilyn y sesiwn graffu ar 14 Medi. Roeddwn yn falch iawn o barhau â'r drafodaeth gyda'r Pwyllgor ar ei adroddiad a'i argymhellion yn y maes pwysig iawn hwn.

Mae'r atodiad amgaeedig yn rhoi ymatebion i gwestiynau'r Pwyllgor a amlinellwyd yn eich llythyr. Byddwch yn deall bod gwaith yn mynd rhagddo ar hyn o bryd ar gyfer rhai o'r cwestiynau rydych chi wedi'u gofyn a byddwn yn hapus i roi'r wybodaeth ddiweddaraf am y datblygiadau i'r Pwyllgor y flwyddyn nesaf.

Yn gywir

A handwritten signature in black ink, appearing to read 'Julie', written in a cursive style.

Julie Morgan AS/MS
Y Dirprwy Weinidog Gwasanaethau Cymdeithasol
Deputy Minister for Social Services

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

	Cwestiwn a chefnidir	Ymateb i'r Cwestiwn
1	<p>Byddai'r Pwyllgor yn croesawu rhagor o wybodaeth ysgrifenedig am y Safonau Gwasanaeth Cenedlaethol newydd ar gyfer Gwasanaethau Plant yng Nghymru.</p> <p>(Dyfyniadau trawsgrifiad perthnasol wedi'u nodi isod) <i>“Work is firmly under way to deliver a national practice framework. The framework will be the first set of national standards for children's services in Wales, sitting alongside things like the all-Wales safeguarding procedures, and we will be delivering up to five new standards of practice by the end of 2023, with further standards being co-produced. It will address the key concerns that young people have raised about practice in your report, which I've taken very great notice of.”</i> <i>“[...] four draft standards have now been produced. One of those is around child-inclusive practice; children and young people who go missing; manageable workloads; and continuing care.”</i></p>	<p>Y Fframwaith Ymarfer Cenedlaethol fydd y gyfres gyntaf o safonau cenedlaethol ar gyfer gwasanaethau plant yng Nghymru, a bydd yn mynd law yn llaw â gweithdrefnau Cymru gyfan eraill, fel gweithdrefnau diogelu Cymru Gyfan. Bydd yn cryfhau ac yn cefnogi'r gwaith o droi bwriad polisi yn arfer beunyddiol.</p> <p>Datblygwyd y Fframwaith drwy weithio gyda'n partneriaid i adolygu a chryfhau ansawdd ac ymarfer i wella'r ffordd y darperir gwasanaethau.</p> <p>Bydd y safonau'n adlewyrchu dull amlasiantaethol, gan ein bod yn cydnabod bod plant sydd angen cymorth ac amddiffyniad angen cymorth yn aml gan nifer o weithwyr proffesiynol sy'n gweithio gyda'i gilydd fel tîm. Bydd y safonau'n disgrifio'n well sut mae gwasanaethau i blant yn gweithio, gan sbarduno mwy o dryloywder. Rydym yn rhagweld y byddwn yn cyflwyno hyd at 6 safon newydd erbyn diwedd Mawrth 2024, gyda'r gweddill yn cael eu cyd-gynhyrchu erbyn diwedd 2024.</p> <p>Y chwe safon newydd gyntaf fydd:</p> <ul style="list-style-type: none"> • Y safon ymarfer sy'n cynnwys plant; • Y safon Oedolion y Gellir Ymddiried Ynddynt; • Llygaid ar y plentyn: y safon Diogelu Plant; • Y safon plant a phobl ifanc sy'n mynd ar goll; • Y Safon Gofal Parhaus; • Y safon llwythi gwaith y gellir ymdopi â nhw.

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

<p>2</p>	<p>Siarter Rhianta Corfforaethol</p> <p>i. Manylion am sut y bydd cydymffurfiaeth â'r siarter yn cael ei monitro a chan bwy?</p> <p>ii. Rhestr wedi'i diweddarau o ba asiantaethau sydd wedi llofnodi'r siarter gwirfoddol hyd yma</p> <p>iii. Sut gall plant a phobl ifanc weld pa asiantaethau sydd wedi cofrestru?</p>	<p>i. Ar hyn o bryd, mae'r Siarter wedi'i gyhoeddi ar sail ymrwymiad gwirfoddol. Rydym wrthi'n archwilio ysgogiadau deddfwriaethol presennol i gefnogi'r Siarter a chreu dull cyson o ymdrin â rhianta corfforaethol yng Nghymru. Enghraifft o hyn fydd pennod bwrpasol ar Rianta Corfforaethol o fewn y Cod Ymarfer Rhan 6 (Plant sy'n derbyn gofal a phlant sy'n cael eu lletya) o dan Ddeddf Gwasanaethau Cymdeithasol a Llesiant (Cymru) 2014. Bydd monitro cydymffurfiaeth â'r Siarter yn cael ei gynnwys fel rhan o'r gwaith hwn.</p> <p>ii. Rydym wrthi ar hyn o bryd yn cwblhau cynllun ymgysylltu i annog cyrff cyhoeddus, cyrff preifat a sefydliadau'r trydydd sector i lofnodi'r siarter. Byddwn yn hapus i rannu rhestr o gyrff a sefydliadau sydd wedi llofnodi'r Siarter gyda'r pwyllgor yng Ngwanwyn 2024. Ar 1 Rhagfyr, mae 16 o gyrff wedi llofnodi'r Siarter, gan gynnwys Llywodraeth Cymru a Gweinidogion Cymru.</p> <p>iii. Yn unol â'r ymateb uchod, byddwn yn rhannu'r rhestr ac enwau'r sefydliadau sydd wedi llofnodi'r Siarter yn y Gwanwyn ar dudalen we Siarter Rhianta Corfforaethol Llywodraeth Cymru.</p>
<p>3</p>	<p>Gofal fel Nodwedd Warchoddedig</p> <p>A fyddwch yn cynnwys pobl ifanc hŷn ac oedolion â phrofiad o fod mewn gofal yn eich trafodaethau?</p> <p>Diolch am roi'r wybodaeth ddiweddaraf i ni am y canlynol:</p>	<p>Diolch am rannu'r adborth a gawsoch gan bobl ifanc hŷn ynghylch profiad o fod mewn gofal fel nodwedd warchoddedig. Mae tipyn o amrywiaeth yn y safbwyntiau, fel y byddwch yn sylweddoli.</p>

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

	<p><i>“I'm going to be working with officials across Welsh Government to explore this further with care-experienced people and children as part of the future care experience summits with Voices from Care. So, we will be exploring this, but there are different views that have been given to us, so it's not a united view.”</i></p> <p>Mae rhai pobl ifanc hŷn wedi dweud wrthym eu bod wedi newid eu meddyliau ar hyn wrth iddynt fynd yn hŷn. Pan oeddent yn blant, efallai yr oeddent yn poeni am stigma, ond wrth iddynt fynd yn hŷn, maent wedi deall sut beth yw bywyd y tu hwnt i ofal. Gofynnwyd i ni gyfleu i chi, er bod gan blant farn wahanol ar y mater hwn, ei fod yn bwysig siarad ag oedolion sydd â phrofiad o fod mewn gofal ynghylch eu safbwyntiau hefyd.</p>	<p>Rwy'n parhau i weithio gyda swyddogion ar draws Llywodraeth Cymru i archwilio'r mater hwn ymhellach gyda phlant a phobl ifanc sydd â phrofiad o fod mewn gofal a byddem yn croesawu trafodaeth gyda phobl ifanc hŷn ac oedolion a chael clywed eu barn.</p>
<p>4</p>	<p>Eiriolaeth</p> <p>Eglurder ar safbwynt diweddaraf Llywodraeth Cymru ar ein hargymhelliad y dylai plant â phrofiad o fod mewn gofal gael hawl statudol i gymorth eiriolaeth annibynnol tymor hir ar sail 'optio allan'?</p> <p>Yn ymateb Llywodraeth Cymru ym mis Gorffennaf 2023, 'Gwrthod' oedd yr ymateb, ond yn ein cyfarfod diweddaraf, fe ddywedoch chi <i>“[...] my response did not outrightly reject opt-out advocacy.”</i></p>	<p>Er mwyn egluro fy ymateb i'r argymhelliad hwn, argymhellodd y Pwyllgor 3 mater: yr angen am ddeddfwriaeth, aseinio eiriolwr; a'r opsiynau i optio allan ac optio i mewn.</p> <p><i>Yn gyntaf, argymhellodd y Pwyllgor y “dylai Llywodraeth Cymru gyflwyno deddfwriaeth i ddarparu hawl statudol i blant mewn gofal a'r rhai sy'n gadael gofal i gymorth eiriolaeth annibynnol, hirdymor ar sail 'optio allan'.”</i></p> <p>Gallaf gadarnhau bod gan blant mewn gofal a'r rhai sy'n gadael gofal hawliau statudol clir, diamwys i eiriolaeth annibynnol tymor hir o dan Ddeddf Gwasanaethau Cymdeithasol a Llesiant (Cymru) 2014. Mae'r hawliau statudol hynny yn cael eu hategu ymhellach gan reoliadau, Codau</p>

		<p>Ymarfer a chanllawiau sy'n nodi'r Dull Cenedlaethol o Ymdrin ag Eiriolaeth Statudol.</p> <p>Mae ein Dull Cenedlaethol yn ymestyn yr hawliau statudol hynny i eiriolaeth annibynnol tymor hir ymhellach nag argymhelliad y Pwyllgor, gan fod y Dull Cenedlaethol yn cynnwys plant sy'n cael eu cam-drin neu sy'n wynebu risg o gael eu cam-drin, a phlant sy'n derbyn gofal a chymorth o dan Ddeddf 2014.</p> <p>Nid oeddwn yn gallu derbyn Argymhelliad y Pwyllgor gan ei fod yn gofyn am rywbeth rydym eisoes wedi'i roi ar waith drwy Ddeddf 2014, y fframwaith statudol cysylltiedig a'r Dull Cenedlaethol o Ymdrin ag Eiriolaeth Statudol.</p> <p><i>Yn ail, argymhellodd y Pwyllgor y “dylid neilltuo eiriolwr i bob plentyn pan fydd yn mynd i mewn i'r system ofal i ddarparu cymorth eiriolaeth hirdymor ar draws ystod o faterion, a dylai barhau hyd nes y bydd y plentyn yn peidio â bod yn 'ymadawr gofal'.”</i></p> <p>Gallaf gadarnhau mai dyma sut mae'r Dull Cenedlaethol wedi'i ddatblygu a'i ddarparu, gan ac mewn partneriaeth â'r darparwyr eiriolaeth, awdurdodau lleol a phartneriaid eraill sy'n cynrychioli llais plant a'r rhai sydd â phrofiad bywyd. Mae'r Dull Cenedlaethol wedi'i lywio a'i siapio gan dystiolaeth a syniadau darparwyr eiriolaeth ac awdurdodau lleol.</p> <p>Mae'r Dull Cenedlaethol yn eiddo i'r darparwyr eiriolaeth, yr awdurdodau lleol a'r plant y maent yn eu cefnogi.</p>
--	--	---

		<p>Rôl Llywodraeth Cymru fu hwyluso, grymuso a chynghori darparwyr eiriolaeth ac awdurdodau lleol i adeiladu Dull Cenedlaethol effeithiol ar gyfer y plant y maent yn eu cefnogi.</p> <p><i>Yn drydydd, argymhellodd y Pwyllgor y “gallai plant a phobl ifanc optio allan (ac yna optio i mewn yn ddiweddarach) os dymunant, ond rhaid iddynt fod ag eiriolwr neu ddarparwr penodedig bob amser yn ystod eu cyfnod mewn gofal.”</i></p> <p>Cadarnhaodd fy ymateb fod y gallu i optio allan ac optio i mewn yn elfen graidd o'r Dull Cenedlaethol. Yn fy ymateb, rhannwyd union iaith yr Adroddiad Etifeddiaeth i roi sicrwydd i'r Pwyllgor nad fy nehongliad i yw hyn, ond union iaith aelodaeth annibynnol y Grŵp hwnnw. Nododd fy ymateb i chi:-</p> <p>[Nid] “yw optio allan yn golygu nad oes gan y plentyn neu'r person ifanc hawl i eiriolwr mwyach. Os bydd y plentyn neu'r person ifanc yn penderfynu maes o law ei fod eisiau eiriolaeth, bydd y gweithiwr cymdeithasol yn rhoi ei fanylion i'r gwasanaeth eiriolaeth i drefnu cyfarfod cychwynnol gyda'r plentyn neu'r person ifanc.”</p> <p>Fel y soniais, gwnaeth y Pwyllgor argymhellion ar 3 mater: yr angen am ddeddfwriaeth, aseinio eiriolwr; a'r opsiynau i optio allan ac optio i mewn. Rydw i wedi esbonio sut mae pob elfen o argymhelliad y Pwyllgor eisoes ar waith. Gobeithio y bydd hyn yn rhoi'r sicrwydd rydych yn chwilio amdano.</p> <p>Mae fy swyddogion eisoes wedi siarad â'r darparwyr a'r awdurdodau lleol i sicrhau bod fy nisgwyliadau ohonynt o ran cyflawni'r rhain yn cael eu bodloni.</p>
--	--	--

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

<p>5</p>	<p>Plant mewn lleoliadau anghofrestredig Beth yw nifer presennol y plant sydd yng ngofal awdurdodau lleol Cymru sy'n byw mewn llety anghofrestredig ar 11 Tachwedd 2023?</p> <p>Roeddem yn arbennig o bryderus o glywed, ar 11 Medi, bod 30 o blant o dan ofal awdurdodau lleol Cymru yn gyfreithiol, ond sy'n byw mewn lleoliadau anghofrestredig. Er ein bod yn gwerthfawrogi'r pwysau sylweddol ar lety, mae cael nifer mor sylweddol o blant mewn lleoliadau sydd, yn eu hanfod, yn 'anghyfreithlon' yn amlwg yn peri pryder mawr. Byddwch yn ymwybodol, ym mis Gorffennaf 2023, gwnaethoch wrthod ein hargymhelliad i gyhoeddi cynllun gweithredu i leihau nifer y plant mewn lleoliadau anghofrestredig erbyn mis Rhagfyr 2023.</p>	<p>Ar 11 Tachwedd 2023, roedd 29 o leoliadau anghofrestredig ledled Cymru.</p> <p>Mae gweithio tuag at ddefnyddio cyn lleied â phosibl o leoliadau anghofrestredig yn golygu lleihau'r galw am leoliadau - ystyrir yn gyffredinol fod cyfradd y plant sy'n derbyn gofal yng Nghymru yn llawer rhy uchel - gan gynyddu capasiti a chynnwys gwydnwch mewn trefniadau ar gyfer darparu lleoliadau addas. Mae'r materion hyn yn cael eu hystyried yng nghyd-destun ein hagenda drawsnewid ehangach ar gyfer gwasanaethau plant a'r ystod o waith sydd ar y gweill ar hyn o bryd i sicrhau bod darpariaeth sefydlog ac integredig hyn cael ei datblygu sy'n atebol yn lleol.</p> <p>Mae datblygu darpariaeth amgen ar gyfer plant ag ymddygiadau ac anghenion cymhleth iawn wedi bod yn ganolbwynt ar gyfer cyllid dros y blynyddoedd diwethaf, gyda £4.8 miliwn ar gael i ranbarthau yng Nghymru yn 2021/22 i ddatblygu 'llety diogel' i blant a phobl ifanc ag anghenion cymhleth. Mae cyllid ychwanegol hefyd ar gael drwy gydol tymor y Senedd hon drwy'r Gronfa Integreiddio Rhanbarthol i ddarparu cymorth arbenigol ychwanegol i blant ag anghenion cymhleth a allai fod ar ffiniau gofal. Mae tua £14.5 miliwn wedi'i ddyrannu i 13 o brosiectau sy'n darparu cymorth therapiwtig i blant â phrofiad o fod mewn gofal fel y prif fodel gofal i gefnogi teuluoedd i aros gyda'i gilydd yn ddiogel.</p>
<p>6</p>	<p>Plant sy'n destun gorchmynion Amddifadu o Ryddid Beth yw nifer presennol y plant sydd yng ngofal awdurdodau lleol Cymru ar 11 Tachwedd 2023?</p>	<p>Y ffigur diweddaraf i gael ei gyhoeddi (ar 31 Mawrth 2022 ar wefan Stats Cymru) ar gyfer nifer y plant yng ngofal awdurdodau lleol Cymru yw: 7,080.</p>

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

<p>Unwaith eto, roeddem yn bryderus o glywed bod chwech o blant yn destun gorchmynion Amddifadu o Ryddid ar 11 Medi.</p>	<p>Rwy'n deall pryder y Pwyllgor, ac fel y dywedais yn y sesiwn graffu ar 14 Medi, bydd swyddogion Llywodraeth Cymru yn cynnal ymarfer dadansoddi i sefydlu nifer y Gorchmynion Amddifadu o Ryddid a ddefnyddiwyd dros y 24 mis diwethaf. Bydd canlyniadau'r dadansoddiad yn bwydo i mewn i Raglen Drawsnewid ehangach Llywodraeth Cymru ar gyfer Gwasanaethau Plant.</p>								
<p>7 Dileu Elw Er nad oedd y gwaith Dileu Elw yn uniongyrchol o fewn Cylch Gorchwyl ein hymchwiliad, rydym yn cydnabod ei fod yn flaenoriaeth i Lywodraeth Cymru a'ch bod wedi pwysleisio wrthym yn y sesiwn graffu ei fod yn cael ei symud ymlaen oherwydd bod pobl ifanc wedi dweud mai dyna oedden nhw eisiau.</p> <p>Fel rhan o'n gwaith craffu arfaethedig ar Gyllideb Ddrafft 2024-25, byddwn yn gofyn am rywfaint o wybodaeth ariannol mewn perthynas â sut y dyrannwyd y dyraniad o £68 miliwn dros dair blynedd, fel rhan o'n cais ehangach am y gyllideb.</p> <p>O ran cyflawni'r ymrwymiad hwn, byddem yn ddiolchgar am yr wybodaeth a ganlyn:</p> <p>Yr amcangyfrif presennol o nifer y plant o awdurdodau lleol Cymru sydd wedi'u lleoli mewn lleoliadau annibynnol/preifat yng Nghymru.</p>	<p>Mae'r amcangyfrif presennol o nifer y plant sydd wedi'u lleoli gan awdurdodau lleol Cymru mewn lleoliadau annibynnol/preifat yng Nghymru fel a ganlyn:</p> <table border="1" data-bbox="1111 639 2007 967"> <thead> <tr> <th></th> <th>Wedi'u lleoli gydag asiantaethau maethu annibynnol</th> <th>Wedi'u lleoli gyda darparwyr preswyl annibynnol</th> <th>Cyfanswm</th> </tr> </thead> <tbody> <tr> <td>Adroddwyd @30.06.23</td> <td>1284</td> <td>596</td> <td>1880</td> </tr> </tbody> </table> <p>Mae ffrwd waith wedi'i sefydlu o dan Fwrdd y Rhaglen Dileu Elw ar gynllunio pontio ar gyfer plant a phobl ifanc unigol. Bydd y ffrwd waith yn ystyried y camau sydd eu hangen i gefnogi pontio esmwyth o drefniadau presennol y farchnad i'r trefniadau nid-er-elw newydd a ddaw i rym o fis Ebrill 2026.</p> <p>Rydym wedi gwranddo'n ofalus ar yr ymatebion i'r ymgynghoriad, yn enwedig y rhai sy'n ymwneud â</p>		Wedi'u lleoli gydag asiantaethau maethu annibynnol	Wedi'u lleoli gyda darparwyr preswyl annibynnol	Cyfanswm	Adroddwyd @30.06.23	1284	596	1880
	Wedi'u lleoli gydag asiantaethau maethu annibynnol	Wedi'u lleoli gyda darparwyr preswyl annibynnol	Cyfanswm						
Adroddwyd @30.06.23	1284	596	1880						

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

<p>Manylion y cynllun pontio / llinellau amser i symud y plant hyn neu i drosglwyddo'r lleoliadau i awdurdodau lleol / darparwyr trydydd sector.</p> <p>Faint o blant o Loegr sy'n cael eu lleoli mewn lleoliadau annibynnol/preifat yng Nghymru? Cynlluniau i liniaru canlyniadau anfwriadol pwysau ar awdurdodau lleol a byrddau iechyd Cymru a allai godi pe bai mwy o blant o'r tu allan i Gymru yn symud i'r lleoliadau hyn o 2027 ymlaen pan na ellir eu defnyddio mwyach i leoli plant o Gymru.</p>	<p>chymhlethdodau symud o'r trefniadau presennol i'r gofynion newydd. Fy mwriad bob amser oedd rhoi ystyriaeth fanwl i'r pontio i'r trefniadau newydd er mwyn atal neu liniaru unrhyw ganlyniadau niweidiol i blant a phobl ifanc cyn belled ag y bo modd a sicrhau bod camau gweithredu yn parhau i gael eu cymryd er eu lles pennaf nhw. Bydd darpariaethau i gefnogi hyn yn cael eu cynnwys yn ein Bil Gofal Cymdeithasol sydd ar ddod.</p> <p>Mae'n anoddach adrodd yn ddibynadwy ar nifer y lleoliadau trawsffiniol i Gymru gan nad oes gofyniad ar hyn o bryd i'r awdurdod lleoli yn Lloegr roi gwybod i'r awdurdod sy'n derbyn yng Nghymru. Mae data byw ar 13/11/23 isod, er ei bod yn debygol nad yw pob achos yn cael ei adrodd:</p> <table border="1" data-bbox="1115 738 2004 946"> <thead> <tr> <th></th> <th>Gofal Maeth</th> <th>Gofal Preswyl</th> <th>Byw â Chymorth</th> <th>Cyfanswm</th> </tr> </thead> <tbody> <tr> <td>Cyfanswm Hysbysiadau</td> <td>76</td> <td>90</td> <td>1</td> <td>167</td> </tr> </tbody> </table> <p>O fis Ebrill 2027, oni bai bod darparwr yn ddarparwr nid-er-elw, y sefyllfa ddiodyn yw na fydd yn gallu cael ei gofrestru yng Nghymru mwyach ac felly ni fydd yn bosibl i awdurdodau lleol Lloegr leoli plant gyda darparwyr annibynnol/preifat yng Nghymru.</p>		Gofal Maeth	Gofal Preswyl	Byw â Chymorth	Cyfanswm	Cyfanswm Hysbysiadau	76	90	1	167
	Gofal Maeth	Gofal Preswyl	Byw â Chymorth	Cyfanswm							
Cyfanswm Hysbysiadau	76	90	1	167							

Cwestiynau dilynol y Pwyllgor Plant, Pobl Ifanc ac Addysg yn dilyn sesiwn graffu ar 14 Medi 2023

8	Data Cyn y sesiwn graffu ar 14 Medi fel rhan o gais ehangach am wybodaeth, gwnaethom ofyn am wybodaeth benodol mewn perthynas â'r data na chaiff eu casglu a'u cyhoeddi fel mater o drefn yng Nghymru ar hyn o bryd (fel y nodir ar dudalennau 50 i 52 o'n hadroddiad ac adroddiad WCPP) a rhagor o wybodaeth am y sail resymegol dros haerriad Llywodraeth Cymru nad yw hyn yn angenrheidiol / yn bosibl / yn ddefnyddiol wrth lywio ymateb polisi yng Nghymru. Nid oedd yr ymateb i'r cais penodol hwn yn mynd i lefel y manylder yr oeddem wedi gofyn amdani, a byddwn yn ddiolchgar pe gallai eich swyddogion ailedrych ar yr ymateb a roddwyd a darparu ymateb manylach.	Fel y dywedais yn fy ngohebiaeth cyn y sesiwn graffu, rydym yn derbyn y rôl bwysig sydd gan ddata o ran dangos canlyniadau i blant a phobl ifanc â phrofiad o fod mewn gofal wrth ddatblygu polisi a chynllunio gwasanaethau. Mae'r Grŵp Cyflawni Trawsnewid Gwasanaethau Plant yn sefydlu rhaglen waith sy'n canolbwyntio ar gasglu data a metrigau. Bydd y gwaith hwn yn ystyried y data y cyfeiriwyd ato yn adroddiad y Pwyllgor ar dudalennau 50-52 ac yn darparu argymhellion i'r Grŵp Cyflawni.
----------	---	---